

**Lam'akadiaki Unyashungu antu w'edjedja l'elula ka uki, Noa la khumbu kandi wakalungwama le Latuyalaka.**

Dia mbetawo mbakenyama Noa akambu wahatayi uma le Unyashungu; lu woma a Unyashungu mbakandalongosola watu a luudu dia nshimbela khumbu kandi. Dia dikambu ne mbakandamia wa la kete, mbakandayala ukito w'akambu w'ololo wa lu mbetawo. (Heberu 11:7)

**Noa la wa khumbu kandi wakashimbamela uma l'elumbwelu wa Unyashungu dikambu dia mbetawo kawo.**


Vo waketawo ewuyelu ka Unyashungu k'elumbwelu kakayangi ndja. Vo wakatshi uku akandawatela, wakashimbamela. "Untu laha la mbetawo heyi mbongenyanganya, ne dia dieli la one layuya le Unyashungu mbetawo ati: Ndi eko, la ndi keli ufutshi a wane watuyangaka." (Heberu 11:6)

© C.E.R.S. - B.P. 1673 Kananga

République Démocratique Du Congo

Email: [33eme.cers.lit@gmail.com](mailto:33eme.cers.lit@gmail.com)

<http://www.33eme-cers.org/>



### **Daku dia lumu la pundju.**

Dimi lambunyufundela akambu ane, dia nyu mbeya nyati: Nyu wane wetawo lukumbu la On'a Unyashungu nyeko la lumu la pundju. (1 Joani 5:13)

### **Khumadiondjo Jesu akati ati:**

Mete, mete, kanyutelami nti, One luka diui diami, letawo lakantumi, ndi eko la lumu la pundju. Ndi huyi l'elumbwelu, keli ndi ambeta uma lu nyoi, amboto lu lumu. (Joani 5: 24)

Ne dia we Khumadiondjo keli ololo, katetawoka nyimanyia kolo. We kuludi too la ngandji le waku tshe watuketaka la watukotemolaka. (Usambu 86: 5)

### **Daku dia Khumadiondjo le antu andi.**

Etema anyu tawudidimaki: nyetawo Unyashungu, nyumbetawo ndu dimi. Lu luudu la Papa mvudu yeko efula. Utundayala aha osoku, tshiki lakanyutela, ne dia dimi lambutsho dia ntunyulongoswela dihuli. Naka dimi lambutsho dia ntunyulongoswela dihuli, dimi layukalula dia ndjunyulungula, dia nyu ndjala lene ayumuyala.

**Etema antu tawudidimaki, tawukaki woma.**  
**(Joani 14:1-3,27)**

### **Daku dia Unyashungu le waku weko lu pa.**

**Latuyalaka** eli eshamelu k'usuyami, eshamelu kandi lu nshi ya pa. Wane wateyaka lukumbu laye, watukekamaka.

Kumbeti lu lushi laye la pa; dimi layukutshungula, ku we ayuntumbula. (Usambu 9: 9-10. 50: 15)

### **Khumadiondjo akati ati:**

Ngandji kami ka mamba nkukaka le ye: ne dia wulu ami atukukiamaka lu wodu.

Dimi hakoseke, halakutshiki. Okone shu tambuta shati: Khumadiondjo keli ukaminyidi ami; haluki woma. Kayuntshela untu? (2 Koreto 12:9. Heberu 13: 5-6)

### **Daku dia Khumadiondjo Jesu le akanga w'etema wa lunyangu.**

Nyuyi le mi, nyu tshe watukambaka ndu weli la wetshu wa wulu, ku dimi layunyusha mumuya. Nyembe lokoho lami, nyeki akambu uma le mi. Ne dia dimi la memakana la ndjakitshakitsha l'utema, ku nyu nyayutana mumuya l'etema anyu, ne dia lokoho lami leko ololo, la ushiko ami weko usadi (Mateu 11: 28-30)

**Dimi halatshanya one laya le mi.**  
**(Joani 6: 37)**

### **Ngulu aki djimbitelu ya daka dia Unyashungu le Noa ndu dikendakenda tshe dia la kete.**

Unyashungu akatela Noa ndu ana andi waki la ndi ati: Dimi lambukitsha ngulu l'ulungu. To kayali djimbitelu ya daka diami l'asami la kete. Okone lam'ayumomotshaka wangi l'ulungu, ngulu kayenamaka lu dingi. Ku dimi layuhoka daka diami l'asami la nyu ndu l'asami la dikendakenda tshe dieli la lumu. (Etatelu 9:13-15)